



UNIVERSITÄTS-
BIBLIOTHEK
PADERBORN

Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1860

201. Antwort der Herzogin Amalie, vom 20. Juli 1480.

Nutzungsbedingungen

[urn:nbn:de:hbz:466:1-55801](https://nbn-resolving.org/urn:nbn:de:hbz:466:1-55801)

201. Antwort der Herzogin Amalie, vom 20. Juli 1480.

Sweſterliche lieb mit gantzen trewen Allezeit zenuor. Hochgeborne Fürſtyn, liebe Sweſter. Als ewr lieb vns itzt geſchriben vnd den Swarzen ſammat, Swartz gewant tuch zu einem Rock, vnſer gefeſchafft, ein parillen kopf, den ir vns zugeſagt, jtem zwentzig keſz vnd vier vnderhembd mitgeſchickt, Solchs allis habin wir entpfangen vnd von iuwer lieb, als vnſer hertzliben ſweſter, zu groſſem danck vnd gefall vffgenommen. Als ewr lieb forder berurt, jr woltet vns die Hawben gern ſchicken, wern ſie noch nicht gemacht, ſo wert ir mit der kranckheit des fiebers noch ſwerlich beladen, des ir nicht dazzu helffen konnet, doch hofft jr all tag beſſerung durch die ſchickung des almechtigen gotis, als euch des die Ertzt wol troſten etc. Liebe Sweſter, Es hat kein Eyl mit den Hawben, wollen der, biſz ſie nach bequemen gemacht werden, wol irharren vnd Bitten ewr lieb gar fruntlich, jr wollit ſelbir daran zcu arbeiten ewch vff diſmal enthalten, ſo iuwer lieb ſolchir arbeyt vnd muh halben kranker werden mochte, das vns dann, da got vor ſey, fere irſchrecklich fallen wurde, So vns ewr itzige kranckheit von Hertzen trewlich leit iſt, vnd wuſten ewr lieb darczu czu dinen, das iuwer lieb ſolcher kranckheit gnediglich entpunden werde, wern wir auf ſweſterlicher lieb vnd trew darczu gantz geneigt, Vnd ſein jn der Hoffnung zu got, jr werdit der jn kurtz gnediglich entpunden. Als auch iuwer lieb vns ewrn ſneidir zeugeſchickt, der vns die Rock wol machen kan nach uuern ſnidt etc., das habin wir zu ſunderlichen danckern wollgefall von ewer lieb vormerkt vnd wollen denſelben ewern Sneider, biſz das er vns ſolche cleider gemacht, bey vns enthalten vnd darnach ewer lieb wider vbirſenden. Wir haben auch uwer lieb vor etlichen tagen geſchriben vnd bitten uwer lieb jn vlis fruntlich, So es ſich mit uwer lieb kranckheit zu beſſerung ſchicken werde, jr wollit vns des vnuerkunt nicht laſſen, dann wir das zu horen hoch erfrewt ſein, wollen wir vns vliffig vordienen, denn wüſten wir derſelben uwer lieb, die der almechtig got jn langwirigen geſund frolich enthalte, vil Fruntſchafft vnd beheglickeit zcu erzeigen, wern wir zu tun gantz geneigt. Datum dresden, feria Va. poſt alexij anno etc. LXXX.

Nach dem Concepte im Königl. Sächſiſchen Archive in Dresden.